

AWIG – AWIG DESA ADAT PETIGA



DESA : PETIGA
KECAMATAN : MARGA
KABUPATEN : TABANAN

MURDHA CITA

Om Swastyastu Nama Sidem,

Pakulun Paduka Hyang Nami, Shanghyang Parama Wisesa maka uriping buana kabeh meraga Shanghyang Sangkan Paran, Hulun Kerama Desa Adat Petiga Wetu saking susrusa nirmala tan paletih ngewangun awig-awig maka titi pangancan ngungsi sukertaning Desa Pekraman. Kesama kena ulun didine tan keneng upadrawa de paduka Bhatara asung kerta lugraha meraga Shanghyang Pasupati, maka usiping awig-awig iki didine ngawetu akan manah segilik-saguluk salunglungan sebayan taka paras paros ketekang wahya di atmika.

Tri Hita Karana muang Catur Dresta pinaka uger-uger awig iki keepah mekadi sanga sarga saha pawos-pawosnyane ngawetu aken kertha sama muang catur Dresta.

Om Santi Santi Santi, Om.

DAFTAR ISI
AWIG-AWIG DESA ADAT PETIGA

MURDHA CITA.....	i
DAFTAR ISI.....	ii
LUWIR SANG NGLINGGA TANGANIN.....	iv
SARGHA I. ARAH LAN WAWIDANGAN DESA ADAT	1
SARGHA II. PATITIS LAN PAMIKUKUH	1
SARGHA II SUKERTA TATA PEKRAMAN.....	2
Palet 1. Indik Krama.....	2
Palet 2. Indik Prajuru Desa	7
Palet 3. Indik Kulkul.....	10
Palet 4. Indik Paruman.....	11
Palet 5. Indik Druwen Desa.....	12
Palet 6. Sukerta Pamitegep.....	14
Kaping 1. Karang Lan Tegat.....	14
Kaping 2. Pepayonan	16
Kaping 3. Wewangunan.....	17
Kaping 4. Wewalungan	18
Kaping 5. Bhaya.....	19
kaping 6. Penyanggran Banjar.....	20

SARGHA IV. SUKERTA TATA AGAMA	21
Palet 1. Indik Dewa Yadnya.....	21
Palet 2. Indik Rsi Yadnya	26
Palet 3. Indik Pitra Yadnya.....	29
Palet 4. Indik Manusa Yadnya.....	33
Palet 5. Indik Bhuta Yadnya.....	35
SARGHA V. SUKERTA TATA PAWONGANG	37
Palet 1. Indik Pawiwahan.....	37
Palet 2. Indik Sentana.....	38
Palet 3. Indik Warisan	38
SARGHA VI. WICARA LAN PAMIDANDA.....	39
Palet 1. Indik Wicara.....	39
Palet 2. Indik Pamidanda	40
SARGHA VII. NGUWAH-NGUWAHIN AWIG-AWIG.....	41
Pamuput :	

Dikutip Dengan Pengembangan Diri

Awig-Awig Desa Adat Petiga

Desa : Petiga
Kecamatan : Marga
Kabupaten : Tabanan

Oleh

I. Penanggung Jawab

Bendesa Adat Petiga

Kepala Desa Petiga

(I Wayan Tinggan, Spd.)

(I Wayan Sura)

II. Komisi-Komisi

Ketua Komisi

Wakil Ketua

(I Gede Nyoman Rideh)

(Drs. I Made Wira Astawa)

Anggota Komisi :

- I Made Jendra
- I Made Nadiasa
- I Wayan Sura
- I Made Petran
- I Made Wira
- I Nyoman Wedra

- I Nyoman Cara
- I Nyoman Gunastra
- I Wayan Genjot
- I Made Sularta
- I Made Jonek
- I Wayan Maken
- I Made Sukesana
- I Nyoman Pagus
- I Nyoman Artana
- I Gede Nyoman Riden
- Mangku Dalem
- I Nyoman Suastika
- I Ketut Jega
- I Made Jani
- I Wayan Bukti
- I Nyoman Reli
- I Nyoman Sudika
- I Made Djerim
- I Nyoman Adnyana
- I Wayan Duriana
- I Made Kortayasa

- I Nyoman Suastika/Reli
- Mangku Sadia
- I Made Suardana
- I Nyoman Suastika
- I Nyoman Surata
- Pak Teni
- I Wayan Tinggan

**SARGA I
ARAN LAN WAWIDANGAN**

Pawos 1

1. Desa Adat puniki mewates Desa Adat Petiga
2. Jimbar wawidangan mewates nyatur lewire :
 - a. Sisi wetan desa, Tukad Yeh Sungai
 - b. Sisi kidul desa, geluntung
 - c. Sisi kulon desa, Desa Adat Kalibalang
 - d. Sisi lor desa, Desa Adat Cau
3. Desa adat puniki kewangun antuk pepupulan karang pelemahan sejebag wawidangan Desa Adat Petiga kepah dados tigang banjar adat luwir ipun :
 - a. Banjar Adat Semingan
 - b. Banjar Adat Belanban
 - c. Banjar Adat Petiga Desa / Petiga Kangin
4. Mewidangan pelemahan Desa Adat Kemenggahan paruman desa.
5. Banjar wenang ngardi perarem sane mauger-uger awig-awig desa adat tur tan wenang maimpas/tengkes ring peraturan pemerintah.
6. Banjar patut madrue piranti mekadi balai banjar, pura melanting lan kulkul.

**SARGA II
PATITIS LAN PAMIKUKUH**

Pawos 2

1. Desa adat puniki negmanggehang mepikukuh mekadi :

- a. Pancasila
- b. Tri Hita Karana manut tatawaning Bhuana Agung
- c. Undang-Undang Dasar 1945 pemekas pasal 18

Pawos 3

Patitis Desa Adat Puniki lewire :

- 1. Mikukuhin miwah ngerajegang Sanghyang Agama
- 2. Nginggilan prawertining Agama Hindu
- 3. Negerajegan sukertaning Desa Adat saha pawong sekala lan niskala
- 4. Nicepang pengeweruh, kesusilaan, lan pengupejiwa antuk penyuluhan, pembinaan olih sang sane ngawiwenang lan pemerintah tur Bendesa Adat tiosan.

SARGA III SUKERTA TATA PEKRAMAN

Palet 1. Induk Pekraman

Pawos 4

- 1. Sehenaning sang jumenek mapaumahan ring wawidangan Desa Adat sinangeh wong Desa Petiga.
- 2. Sane kebawos krama Desa Adat, sang sane meagama Hindu jenek mapaumahan ring Desa Adat tur nyungkemin Kahyangan Tiga Desa.
- 3. Sejaba punika sinanggen tamiu.

Pawos 5

Krama wenten 4 soroh bebacakan ipun kadi ring sor liur ipun :

- ① Krama penyucuk ngarep
- ② Krama pengele (krama pendatang)
3. Krama balu :
 - a. Balu remban
 - b. Balu ngelintik

Pawos 6

Ngerajing dados krama desa kadi ring sor :

1. Sangkaning ngemong karang
2. Sangkening pawewahan

Pawos 7

✓ Dharmaning krama kadi ring sor luwire :

1. Nyejerang saha tinut ring daging awig-awig desa adat
2. Bakti kalih satindih ring desa adat
3. Tadak ring kertin desa

Pawos 8

Warga desa polih pesanyuban indik kasukertan pawongan lan padruwennya sekala niskala.

Pawos 9

✱ Panumayan ngawitin dados ngayah wiadin ngeranjing ngayah .

1. Enam sasih (6) wiadin sampun naur penanjung batu. Nyening KK anyar wiadin pengganti sampun puput karya pawiwahan ipun, tur orang tuan ipun dados lepas.
2. Ring krama balu keni ayahan balu

Pawos 10

1. Krama ngarep wenang ng emedalan ayah, kalih urunan mepek.
 2. Krama manut pawos 5 kalih urunan kemanggehan manut :
 - a. Penyucuk dados pengamong ngarep khayangan tiga (Puseh, Dalem, Desa) ritatkala petoyan. Nanging dana pembangunan keambil wiadin kemedalan olih :
 - Penyucuk asiki
 - Pengele ~~soprapa~~ $\frac{1}{2}$ (seknah).

Artinya **2:1** pengele kena urunan **80%** sangkeng jumlah urunan penyucuk, wiadin dana upacara memungkah di Dangkhayangan.
 - b. Palinggih dang khayangan liur ipun Dalem Semingan, jemeng tur tapakan Ida Batara Ratu Gede, Ratu Mas Sisia lan Rarung taler gong diemong olih suang-suang banjar adat (penyucuk tur pengele) pah-pahanipun :
 1. Dalem Semingan diemong olih Banjar Adat Semingan.
 2. Jemeng diemong olih Banjar Adat Belanban
- ✓ (3) Tapakan Ratu Gede diemong olih Banjar Petiga Desa, wiadin air minum.

c. Pendanaan

- 1) Dana Pembangunan di Dang khayangan kemedalang antuk penyucuk tur pengele antuk pah-pahan 2:1
- 2) Dana pembangunan Ratu Gede, gong taler wantilan sami krama keni urunan pateh (tenwenten pah-pahan ipun).

Pawos 11

1. Bebacan balu wenten kalih pawos luwire :
 - a. Balu ngelintik
 - b. Balu ngempu/balu rembon
2. Balu ngelintik teges ipun (balu tan madrue ayah penyale wiadin ayah pengele) keni ipun ayah atenge yan ipun balu luh, keni ayah luh kewanen asapuniki taler balu muani. Urunan keni mepek (keanutang taler ring perarem sane memargi).
3. Balu ngempu/rembon teges ipun balu madrue ayah, penyale wiadin pengele, manut pawos 5, balu punika patut keni ayah kalih wunan mepek.
4. Wates usia dades ngayah : usia 50 tahun, ngangkat sentana sedurung upali ngayah wiadin sedurung usia 50 tahun tur madrue penyele sesampun ipun mapikuren.
5. Ngangkat sentana, wenten 3 paket :
 - a. Sentana rajeg : keangkat sedurung mapikuren
 - b. Sentana melabuh geni : pateh sekadi nyeburin

- c. Sentana kepala dara : pateh nyeburin nanging sana nyeburin ngelantur dados KK tur ahli waris.

Pawos 12

1. Sane polih luput ayah, para juru, pemangku selaminnya dados pemangku kalih prajuru.
2. Warga banjar sane wawu naggap karang palih luput sakirang-kirang ipun etahun kalih selamin-laminnya kalih tahun nyantos sasih tedun manut pawos 9 angka 1.
3. Warga banjar sane kainggilang, linggihnya manut pararem.

Pawos 13

Krama dados :

1. Kengin mapuengkid, seantukan sungkan, matepetin, ~~haler~~ sedeng ngalaksaneng upacara agama (Panca Yudnya)
2. Lamannye dados mapuangkid, kearsayang antuk iprajuru, nganutin babuatannyane.
3. Kengin nyuksukin

Sane wenang nyuksukin sang sampun sinanggeh daha teruna

* (4) Kengin numba~~g~~ ayah :

Warga sane makarya di luar Desa Adat Petiga, pah-pahan pemelin ayahan :

setunggil 6 sasih keni pemelin ayahan ¹⁰ kg beras tur kepah :

⁶ kg dados druen Banjar Adat dije ipun ayahan

4
2 kg dados druen krama Adat Desa Petiga.

Pemelin ayahane puniki ketaur karya ring Pura Melanting

5. Kengin nyade (ngewakelin).

Pawos 14

Wusan dados krama sangkinang :

1. Pinunus ngeraga
2. Kenoroyang
3. Sang kenoroyang

Kengin kenoroyang malih dados krama, yang setinun ring pedabdab desa.

4. Indik wusan dados krama kesuluran sekadi yang prada malih teduh ngayah dados krama, yan setinut ring pridabdab desa ke denda antuk beras 50 kg setiap 6 sasih.

Pawos 15

Sang wusan mekrama patut

- 1) Tan polih pah-pahan pradrue desa jejawaning pah-pahan ring tempek kasulurang manut pararem.

Palet 2 Indik Prajuru Desa

Pawos 16

1. Desa adat puniki kaenterang antuk Bendesa Adat
2. Banjar kaeterang antuk Kelihan banjar adat

3. Kelihan banjar adat wiadin Bendesa Adat patut mawiwit sakeng krama adat.
4. Bendesa Adat patut keadegang sekirang-kirang ipun satu kali masa jabatan kengin dados kepilih malih satu kali masa jabatan taler Kelihan banjar adat.
5. Ngawitin keadegang patur-atur piuning ring pura desa.

Pawos 17

Bendesa Adat patut kesanggra antuk :

1. Petajuh atawi pangliman pinaka wakil
2. Penyarikan pinaka jurutulis
3. Patengen miwah seos-seosan manut kewigunan ipun.
4. Sejeroning banjar kaenterang antuk Kelihan adat, akeh kidik prajuru banjar adat manut kawigunan ipun.
5. Kasinoman akehnya manut kawigunan.

Pawos 18

Swadarmaning Bendesa Adat, miwah Kelihan banjar adat luwire :

1. Ngenterang sedaging awig-awig miwah putusan pararem
2. Nuntun kalih ngeterang krama kalih warga desa ngupadi sukerta desa manut petitis pawos 3.
3. Mawosin kalih niwakan pamutus wicara luwire ;

Yan seng mawicara sami-sami sejeroning desa wenang Bendesa Adat nguwehin pamutus, asapuniki taler yan sane mawicara sami-sami sejeroning banjar wenang Kelihan banjar taler stap Bendesa Adat niwakang pamutus.

4. Prada sang mawicara lan cumpu ring pamutus Bendesa Adat wicara inucap wenang kelanterang sane rumawos guru wisesa.
5. Kelihan desa wiadin Kelihan banjar adat rikale mawosin wicara kasangra antuk sekirang-kirangnya 2 diri seakeh-akehipun 4 diri marupa angka desa.
6. Angka utawi penyanggra ring ajeg kajudi antuk Kelihan desa wiadin Kelihan banjar adat punika panutan kerta banjar inucap.
7. Wicara sane wenang kebawosan/kawehin pamutus inggih punika krama sane iwang ring daging awig-awig.

Pawos 19

Patias utawi olih-oli

Patias utawi olih-oli prajuru desa :

1. Luput papeson
2. Polih upon-upon pecatu
3. Kalih sane sios-siosan

Prajuru kegentasin

1. Sede/mati
2. Seantukan penumayan ipoun manut palet 2 pawon 16 angka 4
3. Wit sakeng pinunas
4. Kenoroyang prajuru nilar sesana
5. Ngenoroyang prajuru patut sejeroning perarem tur kaingkupan antuk ikrama.

Palet 3
Indik Kulkul

Pawos 21

1. Ring wewidangan Desa Adat Petiga wenten kulkul petang soroh luwire :
 - a. Kulkul pura (pejenengan)
 - b. Kulkul desa (genah ipun ring bade Desa Adat)
 - c. Kulkul banjar
 - d. Kulkul sekaha
2. Kulkul wenang anggen tetenggeran minabdabin kramannyane suang-suang manut dedudunan tatepakan pawos 22.

Pawos 22
Tata Tatepakan

Kulkul pajenengon desa, banjar, sekaha tatepan tabuh tatepakan kadi ring sor puniki :

- a. Kulkul pura/pajenengan katepak kalaning wenten Dewa Yadnya pinake pengasren, Yadnya tatepakannye nung-ting.
- b. Kulkul mekarya miwah parum atulud tambat.
- c. Rare embas/medal, limang keluntungan.
- * d. padum/kelayu sekar tigang keluntungan.
- e. Ngenangkat/kecelangan daha, ngambat tambah nung-ting.
- f. Pamuput pangkaskaran pawiwahan, pamerasan, pales merabian (mulih daha) ngambat metambah tegang keluntungan.

- g. Kemalingan/kedalam bulus atulud.
- h. Katiban keni baya bulus atulud ketambah lambat panjang sawa tara limang menit.
- i. Kebaek, keamuk, kekanening baya pati, bulus tigang tulud.
- j. Palegendangan, bulus kalih tulud.
- k. Ngembak, limang kelentung ping lima.

Pawos 23

Kukul desa atawibanjar ketapak sangkaning pituduh parajuru desa/banjar.

Sang nepak kukul sangkaning baya, patut digilir supaksa ring ipara juru.

. Krama desa/banjar patut nedunin suara kukul pinaka piranti manut ketengeran saha lumaksana katuntun antuk prajuru.

. Suaran kukul baya patut ketedunin antuk krama sami lanang ipu.

Pawos 24

Tan wenten jatma nepak kukul sangkaning manah iseng/tan gumanti manut

pawos : a,b,c,d,e,f,g,h,i,j,k jatma puniki kadi denda : arta denda jinah kepeng/

sis bolong 200 biji. Dewa denda upacara ulep ambe tur perascita.

Indik Paruman

Pawos 25

Paruman ring Desa Adat Petiga kemargian kadi ring sor :

1. Paruman niskala, seantukan wenten bebawos mabuat.

2. Paruman satenggil awarsa/atahun nyabran sasih kesangga manut pawos 9 angka 1. Maosan nunjuk langsung krama desa miwah sane lian-lianan manut kawigunan ipun.

Pawos 26

Tata Titi Paruman

1. Sang sane ngamiletin paruman patut babusana adat Bali.
2. Rikalaning parum patut ngawentenang sane saha runtutan ipun magenah ring ajeng sang rumawos, tur ngatur piuning ring bale desa/banjar, mekadi ring melanting kalih ring kulkul.

Pawos 27

Parum kekawitih

Parum praside lumaksana yan sampun kateduning antuk ikrama lintang ring atenga.

Pawos 28

Keputusan sinanggeh sah ;

Keputusan parum sinanggeh sah yan sampun kasungkening olih krama lintangan ring atengah sang ngawiletin.

Palet 5 Indik Druwen Desa

Pawos 29

Padruwen Desa Adat Petiga mekadi ;

- (1.) Kahyangan Tiga mekadi pura : Desa, Puseh, Dalem .

2. Pura Jemeng
3. Pura Semingan
4. Pura Melanting/Penyarikan
5. Tanah Laba Pura : ± 150 are
6. LPD
7. Setra Wenten kalih
8. Barong wenten asiki
9. Gong wenten abarung

Pawos 30

Paupon-upon laba

1. Paupon-upon laba pura kalih druwen desa kaentering prajuru desa manut perarem.
2. Pikalih lan upon-upon laba patut keangge prabaya odalan wewangunan miwah sane siosan manut kawigunan ipun.
3. Nyabran sangkepan desa ipara juru sane ngamong druwen Desa Adat natap nyiarang munjuk lungsur druwen desane.
4. Sakaluwiring druwen desa patut wenten ilikitane ipun.
5. Tan kalugra ngingeirang/ngicalang druwen desa mekadi, ngadol, ngalah alah yan tan polih panugraha. Saking ikrama desa.

Palet 6
Sukerta Pamitegep

Kaping 1
Karang lan tegal

Pawos 31

1. Sang Ngamong karang paumahan/tegalan patut ngewentenang wates pamedalan karurung.
2. Karang wiadin tegal patut magaleng keluanan, sane ngardinin wates/pawanengan patut sang madruwe karang/tegal ring tabenan kasarengan antuk penyanding.
- 3. Yan wenten jalan panji tan dados kecampuhan.
- * 4. Yan wenten karang kabebeng mangda sang sane madruwe makarya margi katuntun olih prajuru.
5. Sane kesinanggeh jalan Panji/gang manut sekadi denah wewidang Desa Adat Petiga, sane kelampirang ring sejroning awig-awig Desa puniki.
6. Yan prada wenten mekardi jalan Panji/gang baru manut bebuat. Agung jalan panji/gang inucap $\pm 1,25$ m.
7. Yan wenten jatma padem ring wawidangan Desa Adat Petiga tan wenten ngangken sawa punika wenang prajuru mesadok ring pemerintahan tur desa Adat punika patut ke prascita.

8. Yan wenten jatma padem ring pekarangan/tegal anaksios wenang sang nruenang sawe meras^eita tur nyawih antuk caru pance sata/nganut kecap sastra agama.
9. Karang/tegal sane keentasin patut ketiwaken tirta pemerascita.

Pawos 32

1. Tan wenangngalah-ngalah kerang, tegal, mergi, belih-belih genah suci mekadi khayangan, setra lan sepenunggil ipun.
2. Tan wenang ngebahan toya, wit toyan ujian, toyan wewalung, toyan powaregan, lan sepenunggil ipun, kepekarangan anak sios bilih-bilih genah suci.
3. Tan wenang ngentungan luhu, wangken wewalungan ring pekarangan, petegalan anak sios.
4. Tan wenang ngentungan tulang manusia ring pekarangan/tegal anak siosan.
5. Tan wenang nunjel sawa/nenem/awik-awikan sewarih sawah/tegal/pekarangan ring wewidangan Desa Adat Petiga.
6. Tan wenang makta tanah setra kepekarangan/tegal/rikalaning ngedag sawa.
7. Tan dados ngangon sapi/wewalengan ring setra.
8. Sang piwal ring pidabdab desa keni arta denda 30 kg beras Tur yen wenten ngrusuk barang senanggih suci keni Dewa danda caru Rsi Gina.

Kaping 2 Pepayonan

Pawos 33

1. Ngawitin nanem tanem tuwuh patut 2,25 meter ngejeronan sakeng wates.
2. Yan wenten taru mantik sejoroning wates, patut taru punika kabah, olih sang nuwenang wates tur ke bagi tiga, asiki ke banjar, kekalih ring sane nuwenang wates.
- * 3. Yan wenten entik-entikan mekadi tiying, pisang lan sepeninggalan ipun mentik ngelintangin wates, wenang entik-entikan punika ketaban/keruenang olih sang madruwe karang sane kalintangin.
4. Yan wenten wit taru ngungkulin kepisaga, sang kaungku lin keberatan patut masadok ring iprajuri banjar nibakang dadaluhan kadi ring sor :
 - a. Sang neruwenang kayu notor/nyepat gentungin kaicen tempo selaminnya awuku sakeng panumayan sane kapastika.
 - b. Yan jantos lintangan ring kesengker, dereng kelaksana yang wenang iprajuru nibakang ring sang sani ketousin notor wayadi ngebah kayu punika.
- * 5. Yan wenten wit kayu-kayuan mayanina kapisaga, iprajuru patut nitinin kadi ring sor :
 - a. Natasang genah ipun, yan pastika pacang mayaning, kayu inucap mangda ketelesan olih sang sane madruwe sejoroning sasengker awuku.

Iprajuru patut niwakin sang mewenang taru ika ngebah masenger selamannya awuku.

- b. Yang lintangan kadi ring kasenger dereng Kalaksanayang wenang iprajuru nibakang ring sang keberatan ngebah taru tan dados kawicarang.
 - c. Wit taru ika katiban ring sang ngebah.
6. Yan taru punika mayaning sedereng senger lintang, sang weruwenang luput saken kaiwangan.
7. Yan wenten jatma ngebah kayu notor taru durung wenten pasubyaning ring sang sane nyanding, raris mayaning wewangunan patut sang sane notor/ngaban kayu ika kadenda manut sekadi pengargan ipun, tur merascita/nyaruning genah sane kebyanin manut sastra agama.

Kaping 3 Wewangunan

Pawos 34

1. Saluwir wewangunan kautsahyang mangda manutin kecap sasta asta bumi miwah asta kosala kosali.
2. Yan wenten ngawitin ngewangun raris wewangunan ika ngelintangin wiadin nyungkilin kepisaga mekadi cepcapan lan sepenunggilan ipun, sang keberatan patut mesadok ring iprajuru malungguhang ring sang madruwe wewangunan punika, yan sang madruwe wewangunan ika memengkung iprajuru nyepat ngantungin, tur mangda sang madruwe wewangunan ika mugar/mongkar saha tan polih parabiya/kepocokan.

**Kaping 4
Wewalungan**

Pawos 35

1. Sehananing warga banjaar sane memelihara wewalungan/ingon-ingon patut siaga nitenin, nyul wiadin ngandangin mangda tan ngerusak kepisaga, bilih-bilih ngeranjing ke pura wiadin kemerajan.
2. Yan wenten wewalungan leb/melumber/ngerusak wiadin polih neda pemulen-mulen wenang sang sana nuwenang wewalungan ika kedanda agung alit manut perarem sejawaning kedenda kadi ring ajeng taler kesisipan mengargan abian sane katade/agung alit kaitung olih iprajuru banjar.
3. Yan wenten wewalungan ngeranjing ke genah suci, mekadi ke pura ke merajan lan sepenungilan ipun yadiastu ke tuthuri, sang neruwenang patut ke denda merayascita/mecaruning genehe sane keranjingan agung alit manut sastra agama.
4. Yening wenten wewalungan/ingon-ingon ketaban mutu padem tan sangkaning kekardi tur wenten saksi, sang naban ika patut luput sangkaning keiwangann ipun.

Pawos 36

1. Sang naban punika sakirang-kirang ipun adiri, tur wenang wewalungan punika ketegul/kededaheng, kesewening antuk tatanduran sane karusak saha paramengkin wewalungan ika kebakta ring iprajuru banjar.

2. Yan wenten wewalungan punika ketaban janntos rahina (24 jam) tan wenten sane ngangkening patut wewalungan/ingon-ingon ika katur ring prajuru.
3. Selamin wewalungan punika ketaban/megenah ring prajuru banjar patut wewalungan ika kepiara/ewehin denda tur kaitung agung alit pengergan dedendan ipun antuk iprajuru.
4. Sang neruwenang wewalungan ketaban sejawaning kedenda manut pawos 35 angka 2 patut kewehin dedendan pengergan dedendannya manut angka 3 (tiga).

Pawos 37

1. Dedendan dibagi tiga, kadi ring sor :
 - a. Asiki ketiba ring iprajuru
 - b. Asiki ketiba ring neruwunang abean
 - c. Asiki ketiba ring banjar/desa
2. Sejabaning paolihi-olihi ring ajeng angka 1 sang neruwenang abian patut polih pengargan tetanduran sane ketade wiadin rusak.

Kapling 5 Bhaya

Pawos 38

1. Bebacakan pance bhayaluwire :
 - a. Geni bhaya (puwun)
 - b. Arta bhaya (Kemalingan, ke baak lan sepenungilan ipun)
 - c. Jiwa bhaya (keamuk lan sepenungilan ipun)

- d. Toya bhaya (keteben belebar agung, keanyadang, lan sepenung ika ipun)
 - e. Setra bhaya (keplegendang)
2. Asing-Asing jiwa banjar kekenan wiadin manggihin sang kehanan bhaya kadi ring ajeng (ketiban) patut nyuarayang kulkul manut pulet 3 tetepakan kulkul manut pawos 22, ter mesadok ring iprajuru.

Pawos 39

1. Yan wenten jatma memaling/ngerusak ring wewidangan Desa Adat Petiga bilih-bilih ngenah suci, sang inucap keatur upaksa ring sang ngewiwenang.
2. Sampun kepastika unjuk lungsuring kaiwangan sang ngerusak olih sang ngewiwenang sang inucap patut ngewaliang, keni arta denda lan dewa denda (manut sastra agama).
3. Sang pastika sarurun ring corah/dusta keni arta denda manut perarem.

Pawos 40

Dedendan/penikulan patut ke bagi kadi ring sor :

1. Sang neruwenang polih kalih duman
2. Iprajuru polih aduman/sang mutusang
3. Ring banjar polih kalih aduman

Kaping 6 Penyanggran Banjar

Pawos 41

1. Krama banjar sekuwub wawidangan Desa Adat Petiga wenang nejanggra pekarys suka-duka krama suang-suang.

2. Tatā penyanggran kesulurang manut perarem.

Tabel Dedendan

Akeh Kesalahan	Arta Denda	Dewa Denda	Khayangan
1. Ngalah genah suci, margi, kerang, marge	30 kg beras	Ulep ambe caru eka satu	Caru panca satu
2. Ngutang kotoran	30 kg beras	Ulep ambe caru eka satu	Caru panca satu
3. Ngebahan libah kotoran wewalungan toyan hujan (cepcapan)	30 kg beras	Ulep ambe caru eka satu	Caru panca satu
4. Ngentungan lulu	30 kg beras	Ulep ambe caru eka satu	Caru panca satu
5. Ngentungan tulang manusia ring genah suci, tegab, paumahan	30 kg beras	Caru Rsigna	Caru Rsigna
6. Nunjah nmanem sawe ring tegal, pekarangan	30 kg beras	Caru Rsigna	Caru Rsigna
7. Makta tanah setra ring paumahan gerah suci	30 kg beras	Caru Rsigna	Caru Rsigna

SARGA IV SUKERTA TATA AGAMA

Palet 7
Indik Dewa Yudnya
Pawos 42

1. Dewa Yadnya

- a. Desa Adat Petiga nyanggra pengelaksana Dewa Yadnya kabuatan desa. Penyanggran inucap mepagamel ring sastra agama manutang ring dresta desa, tur kepekukuh manut perarem.

- b. Desa Adat Petiga nitinin sinalih tunggil krama ngelaksananyang Dewa Yadnya.
 - c. Sang ngelaksananyang Dewa Yadnya mangde masaduk ring prajuru.
 - d. Sang tungkas ring padabdab desa keni denda manut perarem.
2. Kahyangan/pelinggih-pelinggih sane kasungkemin antuk krama Desa / dat Petiga luwir ipun :
 - Pura Desa
 - Pura Dalem
 - Pura Puseh
 - Pura Jemeng
 - Pura Seminggan
 - Pura Prajapati
 - Tapakan Ratu Gede

Pura melanting kasungkemin antuk banjar adat.
3. Rahina piodalan ring pura puseh : Buda manis medangsia
4. Rahina piodalan ring pura seminggan : Anggara ^{Kaliwon} ~~manis~~ medangsia
5. Rahina piodalan ring pura jemeng : Buda wage ukir
6. Rahina piodalan ring pura dalem lan pura prajapati : Radite paing gumbreg
7. Rahina piodalan ring pura desa : Redite manis langkir
8. Rahina piodalan ring pura Melanting : Caniscara kaliwan warigadean

9. Pengaci ring pura inucap yan tan kapialang : odalan nadi ngenem bulan (6)

Ratu Gede : Purnamaning ke sada (12).

Pawos 43

Renainan sane patut ikrama desa adat ngaturang puji wali mekadi : Somoribak, Pagerwesi, Tumpek Landep, Sugihan Jawa, Sugihan Bali, Galungan, Kuningan, Saraswali, Tumpek Kandeng, Tumpek Antag, Purwaning Sasih Kapitu (Siwalatri) miwah sepenunggilan ipun.

Pawos 44

Memenjor

1. Ring rahina buda kaliwon dungulan (Galungan) sejaba kacuntakan patut memenjor ring lawanganya swang-swang pepek saha upakara ipun, nancembang patut ring rahina anggara wuku dungulan.
2. Yan makerik (Galungan ketemu purnama).
3. Yan wenten jatma tan nganutin kadi ring ajeng angka 1 wenang jatma ika kadenda agung alit antuk arta denda beras 30 kg.

Pawos 45

Sane tan keneng cuntaka mekadi :

Pah-pahan cuntaka (wenten ring buku satuan tapsir)

1. Sang sampun meraga putus mekadi Ida Sang Pandita, kalih pemuput.
2. Rikalanging ngaturang Dewa Yadnya sampun mepenyalang sasih.
3. Bebantenan/upakara sampun munggah.

4. Rikalanging tapakan Ratu Gede lunga/ngunya, wenten krama padem pemargin sane kemanggehan :

- Yan sampun wenten pedewasan sane kapatutan kedadosang mendem, nangin rikalaning nyalah masa (lintang jam 17.00).
 - Tan dados nepak kulkul.
 - Nentan magongan.
 - Kelaksanang olih banjar adat sane kramanyane padem.
5. Rikalanging wenten warga sane mekarya agung ring merajan (sanggar) ng ewentenang upacara memendak kekahyangan tiga, wenten raris jatman padem ring banjaran inucap, pemargin sane kemanggehan inggih punika :
- Yan paduasan mendem pas ring rahina yadnya punika mangda kependem sadurung jam 13.00.
 - Yaning pas wenten jatman padem ring rahina ngewentenang yadnya sekadi ring ajeng, mangda sang sane neruwenang kepadaman tan masodok ring prajuru (kasirepang) indik sekadi ring ajeng mangda keputusan olih prajuru desa lan prajuru banjar.
6. Ring palinggih (jeroan) tan kepatutang ngewentenang klecan tajem/judian.

Pawos 46

Sekertaning Kahyangan/Dewa

Tan kelugra ngeranjing sejeroning pura mekadi :

1. Sang kebanen cuntaka.

2. Makta barang sane sinenggeh leteh.
3. Sato agung
4. Wong dura banjar/sios banjar, yan tan polih panugrahan ring iprajuru banjar. Kadenda beras 50 kg.



Yan wenten jatma ketapak/kerahuan, tan sakaning nyanyan pastika ngewenang byuta krama keni denda agungnyane berat 30 kg, lan kepatutan mengde ngaturang penyepuhan agung.

Pawos 47

Mungga Ring Palinggih Dewa

1. Sejawaning pemangpemangku sane ngemong, tan wenang mungga tedun ring pelinggih/kahyangan yang tan polih panugraha ring iprajuru desa.
2. Yan wenten jatma murung ring ajeng pawos 46, 47, keni arta denda pateh kadi ring ajeng.

Pawos 48

Kahyangan kehanan durmanggala :

1. Kesamber kilap, ketiban angin, tur pungkut.
2. Turunan (puun)
3. Kerubuhan taru agung
4. Ketiben lutut
5. Keranjangan wong edan

7. Keranjingan buron agung
8. Kasiratin rah manusa
9. Wong masanggama sejeroning pura
10. Jatma sampun maketis, mebacin, mewaris
11. Jatma masanggama lanang sami lanang, istri sami istri (baduwasa)
12. Kahyangan umahen tabuan kulit, lan sepenunggilan ipun

Pawos 49

Kahyangan kebaos kecemeran mekadi :

1. Jatma mesalin wastra kecemeran ring sejeroning pura
2. Jatma ngetelang toya susu ring sejeroning pura
3. Jatma merebat/memisuh ring sejeroning pura
4. Jatma serep lanang istri ring sejeroning pura
5. Yan wenten kahyangan desa kedurmangalem/kecemeran desane ngepah ayu manut sastra agama
6. Sang pastika ngewinan cemer kahyangan desa keni denda manut pawos 46 indik dedenddan.

Palet 2 Indik Rsi Ydnya

Pawos 50

1. Desa Adat Petiga ngelaksanang Dewa Yadnya perbuatan desa.
2. Indik Rsi Yadnya inucap Desa Adat Petiga mepegambel ring agama, destra desa iur kapikukuh olih krama manut perarem.

3. Tata cara pengeleksanan Rsi Yadnya kasulurang manut perarem.
4. Desa Adat Petiga nitenin sinalih tunggil krama ngelaksanang Rsi Yadnya.
5. Tata cara nitenin inucap keselurang manut perarem.
6. Sang sane ngelaksangyang Rsi Yadnya mangta mesadok ring prajuru.
7. Sang sane tungkas pidabdab desa kani denda manut perarem.

Pawos 51

- 1/ Ring swang-swang pura patut kewentenang pemangku
- 2/ Ngawentenang pemangku manut dedudoan :
 - a. Ngawiangsan saking turunan utami waris
 - b. Nunas pewuwus widhi utawi nyanyan
 - c. Pemilihan krama
- 3/ Tan wenang anggen pemangku luwere :
 - a. Cendangga saking wawu medal mekadi : peceng, perot, cunggih sengkok, lan sepenunggilan ipun.
 - b. Kegeringan mekadi : sakit ila, ayan, buduh, beseh lan sepenunggilan ipun.
4. Prabu ngadegang pemangku kaprabia olih krama desa
5. Ritatkala padem (lempus) riwekas desane mawih dana atiwa-tiwa sawa pranawa (pemangku lanang istri). ✓
6. Sang sana ngadegang pemangku sane tan kecmong antuk desa adat (pura pibadi) kaicin dane punia wastra arangsukan lanang istri olih prajuru adat.

Pawos 52

1. Sang sane mapunggala utawi madwijati sejawaning nunas panugraha sang ngawiwenang (prasida utami kantor agama) taler patut masadok ring bendesa/Kelihan desa adat.
2. Prajuru inucap patut nitenin/nureksain manut kecaping agama mekadi : cedangga, kalih pengeleksannyane mekadi sad atattayi asta dusta, lan sepenunggilan ipun sahe nyaksinin upakaran ipun.
3. Sapupute iprajuru patut digelis nyiareng indik untjuk lungsur kalih wewenang sang diniksan/mawenten ring desa sah ngiliketayang.

Pawos 53

1. Dharmaning pemangku kadi ring sor :
 - a. Nitenin nuntun kesucian ring kahyangan
 - b. ngenteran upacara ring kahyangan kalih ikrama desa, swang-swang, kewenang seagen-agen ipun meplegembal.
2. Yan wenten sang mepenaruran ping ajeng mangda memendek ring iprajuru adat wus punika wawu keantebanng.
3. Penauran sane marupa barang /jinah sami dados druen banjar.

Pawos 54

Pikolih/Petias Pemangku

1. Pemangku polih luput ayah-papeson kalih petias sios siosan manut perarem.
2. Sarin canang dados empat (4)

- Asiki ke prajuru
- Asiki ke banjar
- Asiki ke pemangku (*mangan*)
- Asiki ke paiketan pemangku

Pawos 55

1. Kelayuan/keimpus
2. Pinunas ngeraga
3. Kenoroyang
4. Pemargin inucap manut perarem

Palet 3 Indik Pitra Yadnya

Pawos 56

Pemargin Pitra Yadnya mekadi ring sor

1. Mekingsan ring ibu pertiwi utami ring agni, selaminnya, nutupang prebiya manut kadi sastra agama.
2. Atiw~~Atiw~~ wiadin ngaben, sane wenang keabenang jatma sane sampun maketus untu.
3. Ngaben ngelungah sane patut keabenan ngelungah jatma padem sampun mayusa tigang sasih, jantos maketus.
4. Jatma alit wawu medal jantos mayusa tigang sasih padem patut mendem tan ngetang duasa.

5. Jatma sane keabenang ngelungah wiadin padem dareng mayusa tigang sasih, tan patut kelanturang antuk nyekah/ngatma wedana.
6. Darmaning karma ngamong pengabenan masal (ngerit)
 - a. Keater olih prajuru desa adat
 - b. Indik pribiya
 - Saneneruwenang sawa manut perarem
 - Krama sane tan ngawakin keni patis 12 kg beras
 - c. Kelaksanayang olih krama desa adat
 - d. Genah pengeritan :
 - Nganutin perarem
 - Taler sani neruwenang sawe
 - e. Gabah ngewentenang pengeritan manut sapi tuduh sakeng parisada (± 10 tahun) apisan.
 - f. Krama banjar sane tan ngawakin nenten kedadosan malih majenukan ke jeron sang sane ngawakin.
 - g. Krama nenten dados nampipewalesan sakeng sang sane ngawakin, utawi sane ngawakin nenten dados ngewales.

Pawos 57

Swadarmaning sang kehanan kematian

1. Sang kedurhitan kehanan kematian patut nyadokan ring iprajuru banjar/desa, saha nguninganyang dinane kepuputang, kalih pemargi pemendeman ipun.

2. Swadarmaning banjar

Iprajuru patut nepak kulkul manut pawos 2 angka 5 mahe cihna warga wenten seda/mati.

3. Penyanggran banjar selantur ipun kadi ring sor :

a. Swang-swang ikrama nedunang tur ngemedalan patis mekadi :

- Beras 1 kg
- Jenas kp 1000 (setuasi) → 5000 ;

b. Krama banjar lanang istri mekarya manut dresta saha ngusung sawa ika ngerombo pekutangan jantos puput.

c. Busana ikrama, saha lanang mewastra tur nyelempet asapunika taler sane istri mewastra tur meanteng.

d. Pemargin sawene miwah upakarnya mangda dabdab antar, tan keluarga megeguyonan/megarapan.

Pawos 58

Nganutin dewase, kalih tan wenang kadi ring sor.:

Tan wenang semut, sedulur, gotongan, purwani, tilem, purnama, nyandung makiriman wangke, ngutang tiga sapisan, rerainan jagat rekalaning piodalan Ida

Bhatara kantun ngadeg.

*Yan Wenten Pedewasoni Pakutangan medaging pepedan
nika bermargiang; mima leadi, mati nang gangsar
Agil 19-11-2008
Rahino punika medaging pepedan.*

Pawos 59

1. Yan wenten makutang ngemarginin margi asiki, dina tunggal tan wenang sane ukuran ngelintangan sane dumuran yang tan saha upakara sane dumunan/sane nampekinsetra sane dumunan.
2. Yan wenten jatma murub kadi ring ajeng pawos 59 angka 7 patut jatma ika kadenda agung/alit manut perarem kalih sastra agama.

Pawos 60

Sawa tan keni larangan kadi pawos 59

1. Anak Alit dereng meketus
2. Sawa ngadut rare/beling tan wenang ngurugin, kalih ngeseng sane dereng bobotne modal, patut basah.
3. Sang keni pinungkal ika, kalih pinungkal ngelalahan mekai kolera lan sepenunggilan ipun.
4. Rekalaning jagad keni gerubug.

Pawos 61

Penanjung Batu

Yan wenten jatma siosan metanem/ngeseng ring setra Desa Adat Petiga patut keni penanjung batu, agung/alit manut perarem.

Pawos 62

Tata kertaning ring setra

1. Rikala ngendag tan wenang makta tanah setra ke banjar pekraman.

2. Tan wenang mekarya gumati (kuburan permanen)
3. Tan wenang nginnepang bangbang
4. Tan wenang ~~nangen~~/nunjel tiga sepisan (arahin) ring setra asikin. Yan wenten murub kadi ring ajeng keni denda agung/alit manut perarem kalih sastra agama.

Pawos 63

Ngulah pati salah pati, kangin sinangkaskera, sesanpun saha upakara penebusan.

Pawos 64

Pengabenan utawi atiwa-atiwa, wenten kalih bawos ipun mekadi :

1. Sawa pretika (pretika sawa/tulang)
2. Sawa wedana (sawa ngange awak-awakan mekadi cenana, mejegau, awak-awakan payuk mekadi : swasta prenatal lan sepenunggilan ipin).

Palet 4 Indik Manusa Yadnya

Pawos 67

1. Desa Adat Petiga nitinin sinelih tunggil krama ngelaksanyang manusa yadnya.
2. Indik manusa yadnya Desa Adat Petiga mepengembel antuk sastra agama dresta tur kapikukus krama manut perarem.
3. Sang sane ngelaksana manusa yadnya sane mabuat patut mesadok ring prajuru.
4. Sang tungkas ring pidabdab desa keni denda manut perarem.

Pawos 68

1. Manusa yadnya inggih punika upacara wiadin upakara darmaning manusa saking petemon krama petak kelawan krama bang sejeroning garba utawi waduk ibiang ngantos lampus riw ekas.
2. Upacara lan upakara kadi ring ajeng kasulurang kadi ring sor :
 - a. Magedong-gedongan duk pengerempinik abiang, bobos mayasa tigang sasih jantos petang sasih.
 - b. Duk sang kamereka wawu embas
 - c. Kapus puser/udel
 - d. Ngelepas aon risampune mayusa 12 rahina
 - e. Akambuhan : yusa dina (anbulan piutang dina)
 - f. Tigang sasih
 - g. Awetuang : risampune rarene mayusa enam sasih
 - h. Ngempugin : rikak sampun tumbul untu
 - i. Munggah deha teruna : mecihna yan lanang sampun ngembaki, yan istri sampun ngaraja swala.
 - j. Metatah/mepandes
 - k. Mewiwaha/medengen-dengen ring grahastara
 - l. Mewinten utawi medwijati lan sepanunggilan ipun

Pawos 69

1. Yan wenten jatma medal/beling, tan wenten sane ngangkening bobot pinike, asapunika taler bobot/bekung tan mewidi widana/pawiwahan raris medal rare punika, kawagtanin anaking setri janji/panek bibinjat.
2. Yan wenten mekadi ring ajeng kautsahayang antuk keluarganya kade ring sor:
 - a. Mangda wenten memeras/ngangge pianak rare ika, tur kaprasyacita rare kalih biang ipun.
 - b. Prade wenten sane meras/ngangge pianak, wenang pianak kalih biangnya maprayascita agung/alit manut sastra agama
 - c. Rikala meperas kalih meprascita mangda kasulurang antuk Bendasa Adat

Palet 5 Indik Bhuta Yadnya

Pawos 70

1. Desa Adat Petiga nyanggra pengelaksanaan Bhuta Yadnya kabuatan desa adat.
2. Indik Bhuta Yadnya, Sesa Adat Petiga mapegambel ring sastra agama nganutang ring dresta desa tur kapikukuh olih krama manut perarem.
3. Tata cara pengelaksanaan Bhuta Yadnya inucap kasulurung manut perarem.
4. Desa Adat Petiga nitinin tunggil krama ngelaksanayang Bhuta Yadnya.
5. Tata cara Penyanggran desa nitinin sang yajamana, manut perarem.
6. Sang pacang ngelaksanayang Bhuta Yadnya sane mabuat mangda masadok ring prajuru.
7. Sang piwal ring pidabdab desa, keni denda beras 30 kg.

Pawos 71

1. Indik Bhuta Yadnya punika upacara/upakara meyadnya ring sang Bhuta Kala.
2. Bhuta Yadnya punika ketah kebawos mecaru
3. Pecaruan inucap : nista, madya, utama manut kawigunan ring sor :
 - a. Mesaiban (ngejot) nyabran sawusan ngerateng
 - b. Eka satu
 - c. panca satu
 - d. panca kelud
 - e. Manca sanak
 - f. Resi gana
 - g. Tawur kesanga
 - h. Tawur mesabe desa

Pawos 72

1. Tawur kesanga punika wenten kaitan ipun ring penyepian, dadudon ipun kadi ring sor :
 - a. Yan tan wenten paitungan sios tigang rahina sederengpenyepian patut melasti (melasti) prahina/prelingga kasuciang kasegara wiadin ring genah pebejian wus punika ida bhatara nyejer ring bale agung.
 - b. Mejanjanan Ida Bhatara kantun nyejer ring bale agung.

- c. Ring tilemning sasih kesange kewentenang pacaruan ring pempatan agung tur kawentenang pecaruat alit ring swang-swang pumahan manut sastra agama.
- d. Ring tanggal apisan sasih kesanga kawentenang penyepian. Daging Brata penyepian kadiring sor :
- 1) Amati geni ; tan kangin meapi-api sejawaning anak madruwe pianak alit (matepetik rare) dereng tigang sasih ring genah rare inucap.
 - Sang matepetin anak sungkan ring genake anak sungkan
 - Sang medrebe layon ring genah sawa inucap
 - 2) Amati karya; tan wenang menyambut karya.
 - 3) Amati lelungan, tan wenang melelungan sejawaning pecalang (prajuru tur macaciran wiadin ilikita).
 - 4) Amati lalungunan, tan wenten kangin angewentenang lelungan (unen-unen) kalih tetabuhan asapunika taler jujuden.

**SARGA V
SUKERTA TATA PAWONGAN**

**Palet 1
Indik Pawiwahan**

Pawos 73

Desa Adat Petiga nitinin sinalih tunggil krama ngelaksananyang pawiwahan.

Indik pawiwahan ring Desa Adat Ptiga ngemanggehang UU. No. 7 Tahun 1974 indik pawiwahan.

3. Tata Cara penyanggran, manut perarem.
4. Sang Pacang ngelaksanayang pawiwahan mangda mesadok ring Bendesa Adat kalih prajuru.
5. Sang piwal ring pidabdab desa keni denda manut perarem.

Palet 2
Indik Sentana

Pawos 74

1. Desa Adat Petiga nitenin senalih tunggil krama ngundukang sentana.
2. Indik sentana Desa Petiga mepegambel antuk undang-undang jagat (menurut hukum adat Bali).
3. Senalih tunggil krama pacang ngadegan sentana mangda mesadok ring prajuru utawi Bendesa Adat.
4. Sang Tungkas ring bedabdab desa keni denda manut perarem.

Palet 3
Indik Warisan

Pawos 75

1. Desa Adat Petiga nitenin senalih tunggil krama ngindikang waris.
2. Indik waris, Desa Adat Petiga mepegambel ring Undang-Undang jagad. Indik Pewarisan Menurut Ilukum Adat Bali.
3. Sang pelacang ngindikang warisan mangda mesadok ring Bendesa Adat.
4. Sang sane piwil ring bedabdab desa keni denda manut perarem.

**SARGA VI
WICARA LAN PAMIDANDA**

**Palet 1
Indik Wicara**

Pawos 76

1. Sane wenang mawosin wicara ring Desa Adat Petiga.
2. Yan sang mawicara tan cumpu ring pamutus Bendesa Adat utawi prajuru (kerta desa) kengin katur upaksa ring sang rumawos (pengadilan negeri).
3. Sekananing wicara sane mawit kecorahan sakluwire sane senaggeh nungkasin daging awig-awig prajuru digelis mawosin tan nyatos pesadok.
4. Sejaba wicara inucap ring ajeng patut nyantos pesadok sang perbuatan.
5. Panepase mangde pastika nyantenang iwang patut malarapan tri premana (saksi, ilikata, bukti) tur mepek ring catur dresta.
6. Sane wenang ngerawosin wicara ring Desa Adat Petiga kewastanin kerta desa kewangun antuk luwire :
 - a. Bendesa
 - b. Lembaga Masyarakat Adat Desa Petiga
 - c. Prajuru
 - d. Bendesa Dinas
7. Nepasin wicara keangge uger tri premana tur nepek ring sastra agama taler nganutin desta.

Palet 2
Indik Pamidanda

Pawos 78

1. Desa Adat Petiga wenang niwakang pamidandan ring warga desa sane sisip.
2. Paniwak inucap katitinin olih prajuru.
3. Babacakan pamidanda sane kamenggahan tri danda luwire :
 - a. Arta danda, teges ipun kedanda antuk jenah
 - b. Dewa danda, tegas ipun kedanda antuk pengaskara/banten
 - c. Jiwa danda, tegas ipun kedanda antuk kenoroyang ring banjar/desa.
 - d. Sane luput ring kaiwangan/dedendan; anak alit dereng mayusa desa tahun.
 - e. Pengelaksan danda ring ajeng kasulurang manut awig-awig tur perarem.

Pawos 79

1. Rikala wewenangan ngamedalan jinah mekadi papeson lan sepanunggilan ipun yening sampun, lintang ring panumayan, keni danda nikel! sekawit apisan.
2. Risampune keni panikelan, wenang malih asangkepan taler tan naur wenang kerampang, manut tata cara kadi ring sor :
 - a. Ngemargian rerampagan iprajuru, kemiletin olih ikrama banjar/desa.
 - b. Sane kerampang pinih riin marupa ubah-ubahan mekadi; ayam, celeng, sampi lan sepanunggilan ipun.
 - c. Yan prade kirang, wenang malih prabot/palinggihan mekadi timpas, kandik, lan sepanunggilan ipun.

- d. Yan kirang malih wenang malih kekayuan sane mentik ring pekarangan kalih ring penegalane druwen ipun.
3. Prajuru mekadi Kelihan desa/Kelihan banjar dat mangda nguwehin senger sehananing sane kerampang mangda ketebus sejeroning pitung rahina sakeng dinane kerampang wiadin awuku.
 4. Yan sampun lintangan ring panumaya, sehananing kerampang patut keadol tur kewenang penawahan ring ajeng banjar/desa.
 5. Yan prade barang-barang ipun langkungan durus ring utang ipun patut jinah sane langkungan ketiba ring sang madruwe barang.

Pawos 79

Sane tan dados kerampag luwire :

1. Prabot paon mekadi; payuk, gebah, lan sepanunggilan ipun.
2. Prabot kesawah mekadi; tambah, tegala, lan sepanunggilan ipun.
3. Bale/utami wewangunan.
4. Tempat suci utami merajan.
5. Pusake sekadi; keris tumpak, lontar/cakepan lan sepanunggilan ipun.

SARGA VII NGUWAH NGUWUHIN AWIG-AWIG

Pawos 80

1. Nguwah-nguwahin awig-awig kemargian antuk parana desa.
2. Pamutus kebawosan mangda kautsahayang wetu saking pekayuna gilik saguluk.

Pawos 81

1. Awig-awig puniki kemanggehan sejeroning Desa Adat Petiga, tur kemargian duk keraremin.
2. Saluir sane sampun wenten sadurung awig-awig puniki.
3. Saluir sane durung wenten mangda ring awig-awig puniki pacang kelihan ring perarem.
4. Awig-awig puniki kararemin duk rahina :

Rahina : Weraspati Daing

Wuku : Kulantir

Tahun Caka : 1915

Tahun Masehi : 17 Pebruari 1984

Pawos 82

Awig-awig puniki kalingga tanganin antuk Bendesa Adat, kesarengin para Kelihan banjar kesaksin olih :

- a. Kepala Desa Petiga
- b. Parisada Hindu Dharma Indonesia Kecamatan Marga
- c. Camat Marga

Tur Kewihanun olih :

- a. Badan Pembina Pelaksana Lembaga Adat Kabupaten Daerah Tingkat II Tabanan.
- b. Parisada Hindu Dharma Indonesia Kabupaten Daerah Tingkat II Tabanan.

- c. Kepala Kantor Departemen Agama Kab. Tabanan
- d. Maka murdaning pamikukuh Bupati Kepala Daerah Tingkat II Tabanan.

Pawos 83

1. Indik Desa Adat Petiga, sane magrnah ring karang Desa duk sakeng Pangelingsir ipun patut keni ayah Nyucuk.
2. Yan wenten krama Desa Adat Petiga sane nongosin karang Desa punika raris kasuwen-suwen pindah agama (hindu) karang punika mangda keaturang malih ke krama Desa Adat Petiga.
3. Yan wenten sapunika raris nenten nganutin paos 2 mangda krama Adat digelis ngemutusing ring perarem.

Pawos 84

1. Krama Desa Adat Petiga nudonang indik madrebe Keklentingan (Gong) abarung. wenten sane ngemong utawi sekan ipun.
2. Indi mekarya Sekea Gong punika luwir ipun :
 - a. Maduluran antuk pakeling ritatkala jaga ngemedalang pengayah utawi Sekea ipun.
 - b. Pararem (Parum agung).
 - c. Sami krama adat dados dipilih, nenten dados nolak yan nenten maduwe alasan tepat (sakit).
 - d. Warda Desa Adat Petiga sane berdomisili ring Desa Adat Petiga.
 - e. Masa ngayah dados sekan gong telung tiban (3).

Hak Sekea Gong :

- a. Luput urunan adat Gede minekadi :
 - I. Melasti/Nyepi (kecuali urunan numas sapi).
 - II. Lunga Tapakan Ratu Gede (ke Apuan, Kambangan, Luhur Pucak Padang Dawa, Pacung).
- b. Luput ayah-ayah adat gede, kecuali wenten Parum sane mabuat.
- c. Ring Panyenek luput yening Sekea gong punika keaturan megambil/keupah.
- d. Luput ayah-ayah ring panyucuk nganutin tegak.
- e. Sekea gong sane nunggal dii luput make make sami.

Kewajiban Sekea Gong :

- a. Mengutamakan kepentingan Umum (adat).
- b. Memelihara Gong gebecik beciknyane.

Ongkos / Upah :

- a. Megambil lengkap aserikan warga keni ongkos Rp 100.000,-
kepah mekadi :

20 % ke Desa Adat, 80 % Ke Sekea Gong.
- b. Polih kopi + lanjaran 5 Bungkus (Bentoel Biru).
- c. Megambil lengkap satu hari, ongkosnyane Rp 200.000,- taler kepah pateh kadi ring arep (nomor a). Taler polih nasi, kopi lan lanjaran.

d. Ongkos beleganjur :

1. Kematian Rp 10.000,-
2. Memendak Rp 70.000,- (a' 20.000,- kecuali di Dalem 30.000,-
memendak ring kayangan tiga.

e. Ongkos ngaturang ayah ring kayangan :

1. Polih ongkos tegen kemanten, Rokok 1 pak, kopi, rayunan.

f. Galah nabuh di tentukan olih Bendesa Adat / Prajuru.

Awig-awig pawos 84 disahkan olih Krama Desa Adat duk paparuman :

Rahina Saniscara (Tumpek Kandang) Tgl. 25 Maret 2000

Genah ring bale wantilan Desa Adat Petiga.

Petiga, 25 Maret 2000

Bendesa Adat Petiga


(I Wayan Tinggan S.Pd.)

LURIH SANG MELINDA TANGANIH :


1. Bendosa Adat Petiga


(I OEDE TYOMAN SUJANA)


2. Kelihan Banjar Adat
Semingan


(I KETUT CANDRA)

3. Kolihen Banjar Adat
Belamban


(I NYOMAN GARA)

4. Kelihan Banjar Adat
Petiga Kangin


(I NYOMAN ADNYANA)

Saksi - Saksi


Petiga
(I WAYAN SURA)


Mula Hindu Dharma Indonesia
Marga
(I KETUT DENIA, BA)


Marga
(I KETUT DENIA, BA)
NIP. 010 073 257

K A W I K A N I I

OLIH,


1. Ketua BPTLA
Kabupaten Tabanan.

(I MADE SUANDIRA)

2. Ketua Hindu Dharma
Kabupaten Tabanan,

(DRS. I MADE SALTA)

3. Kepala Kantor Departemen
Agama Kabupaten Tabanan.



NIF.

Hurdhaning; Pamitukuh
KEPALA DAERAH TINGKAT II
T A B A N A N


(I ROHANI WIJANA)